

地 340  
39  
部 = 216



廣西昭忠錄



廣西昭忠錄卷六

列傳

周成麒 又作開麒

周成麒湖南新寧人初隨提督江忠義征江皖積功至副將同治四年忠義病歿部曲解散時統領楚軍劉坤一駐師潯州討黃鼎鳳成麒應募爲營官坤一升任江西巡撫復隨接統楚軍劉培一進剿永淳孫仁廣九月初七日至大羅上劉兩村賊悉出迎戰成麒率所部奮擊之手及騎馬賊酋一人諸軍繼之賊大潰退入村憑高據險屢攻不下初八日成麒伏健廣西昭忠錄

卷六

列傳

一

卒於垣外大呼將畢登礮石如雨成麒馬蹶中礮洞胸死事後奏請議卹如例



鄭長純

鄭長純湖南新寧人初隨統領楚軍劉長佑援剿江西湖北屢著戰功咸豐十年充楚軍營官從征廣西積功保升參將同治元年協同卽選道易元泰討蓮塘張高友平之擢副將二年剿潯州賊克復貴縣擒平天寨黃鼎鳳移軍賓州剿宋扶悍克黎村敘功擢總兵積勞致疾七月初七日卒於軍巡撫張凱嵩奏請議卹



方以元

方以元安徽貴池人充楚軍義勇副營官補藍翎千  
總同治元年攻克荔浦蓮塘二年攻克貴縣平天寨  
敘功擢都司三年五月隨卽選道易元泰剿賓州宋  
扶悍先是扶悍踞黎村爲巢分遣其黨於甘規平山  
爲犄角時思恩土匪蠡起聲氣相通扶悍最爲强大  
元泰期鄭長純諸軍齊至而後進剿修築礮臺於長  
岡砂岡楊村各處扶悍突擁衆至直撲義勇一軍以  
元開壁擊卻之旋平黎村五年春移剿武緣土賊二  
月攻林墟進襲林貢村攻入賊柵礮中頭顱流血被  
廣西昭忠錄

卷六

列傳

三

面手及數賊整旅而回氣絕復蘇越翼日乃死



白朝貴

吳賓

白朝貴貴州荔波人報捐從九分發廣西歷署東蘭州吏目那地土州州判同治五年二月署象州知州幫辦河池州軍務六月病故於涼州坳

吳賓貴州甕安人分發廣西試用知縣同治五年四月署東蘭州知州八月二十八日病卒與白朝貴皆照立功後病故例議卹

廣西昭忠錄

卷六

列傳

四



吳龍開

項紫來

蔣啟縉

蔣良泰附

吳龍開字鏡亭江西永新人少習拳勇膂力過人咸豐五年十月會匪犯江西由永新破安福龍開應募充鄉勇追賊萍鄉失利爲所擄七年八月統領楚軍劉長佑援剿江西及賊戰於臨江之太平墟大捷龍開乘賊亂夜赴楚軍投名充前隊十二月克復臨江拔外委賞六品頂戴八年八月賊自浙閩回竄江西防堵新城擢千總賞戴藍翎九年賊由江西南安竄湖南解永州之圍三月收復東安援寶慶新寧武岡逐賊至東安遂隨楚軍入廣西克復柳潯二府積功

廣西昭忠錄

卷六

列傳

五

保升都司換戴花翎同治元年統帥劉長佑出剿貴縣賊黃鼎鳳龍開統親兵與李正植聯營七月焚嶺頭堡旣克敘平賊功遷遊擊九月長佑總督兩廣旋調直隸總督龍開隨往駐守房山三年冬請假回籍四年春知府劉培一接統楚軍以龍開管帶副中營親兵每戰皆捷五年三月剿永淳山澤孫仁廣官軍攻前嶺陣未成列伏賊薄之龍開奮擊移時賊大至圍數重腹中礮死同時死於礮者千總項紫來蔣啟縉蔣良泰皆議卹如例紫來安徽桐城人



陳燮埏 妻曾氏 妾李氏 女孫瓊芝附

陳燮埏原名紹基字苻橋貴州安平人少孤事母孝  
慷慨重節義道光甲午鄉試第一癸丑大挑一等以  
河工知縣用官直隸擢同知丁母憂回籍同治二年  
服闋改官廣西三年助勦貴州獨山荔波苗事平加  
知府銜四年七月代理泗城府事泗城爲廣西極邊  
地界連鎮安土賊吳凌雲張建盈數滋擾凋敝已甚  
或勸勿往燮埏毅然攜家行過吳江小蛇躍人船家  
人譁爲不祥燮埏曰人生聽命於天豈聽命於物旣  
任守土責身家皆非己有吉凶可勿問也揚帆過馬

廣西昭忠錄

卷六

列傳

六

灘暴風舟幾覆十一月二十日履任官舍傾圮居民  
寥落燮埏撫流亡籌守禦寢食俱廢而餉絕兵散儲  
蓄一空家人請移駐百色燮埏曰與人同患而先去  
之上負國恩下失民望不可且時事至此安問家室  
爲苦勸之乃命次子仲衡攜婦奉先世木主以行十  
二月與右江鎮總兵黃仲慶殲譚三於皈樂五年正  
月梁奉停犯天峩四月平之五月小張三沈連祥等  
據西林擊走之連祥伏誅七月吳亞終據歸順分其  
黨黃崇英彪英建英羅品何茂舉石同平李四等擾  
西林連祥餘黨蘇榮黃玉錦梁天錫凌鳳翔孔信榮



王萬周王昆山等附於崇英竄凌雲之汪甸利周暗  
結奸民黃亞祥與黃亞隴李亞若等爲內應八月由  
三台坡腰馬山進犯郡城時署凌雲知縣劉琢屯於  
浪平爨埏與遊擊張麟瑞守備李登忠居守二十日  
城陷有健卒負爨埏趨出嚙其頸沒齒釋負去爨埏  
回署妻會妾李女孫瓊芝已先死爨埏冠服坐堂上  
賊突至驚異勸速走爨埏大罵賊怒擁去拘諸室九  
月十三日服毒死崇英備棺並妻妾女孫之屍斂之  
十二月署知府朱騰偉右江鎮黃仲慶復郡城合殯  
於郊狀聞巡撫張凱嵩請於朝以爨埏履任未一年  
廣西昭忠錄 卷六 列傳 七

著績成勞至力竭捐軀從容就義大節凜然妻會妾  
李女孫瓊芝並予旌表六年十一月得

旨加贈太僕寺卿銜給世職從祀昭忠祠長子少鶴與  
婦先病死署中仲衡至百色亦病死遺一婦一穉女  
流離無所依爨埏竟無嗣



劉勳

王宏昌

劉勳字子友山西洪洞人由監生報捐府經歷分發廣西從官軍平山澤孫仁廣敘功賞戴藍翎同治五年由梧州轉運局解餉南甯過流仁洞舟覆溺死屍漂沒不能得如陣亡例議卹

王宏昌字植蘭湖北東湖人由附貢生報捐通判咸豐十年十一月咨補潯州府通判同治五年督帶扒船剿武緣遷江賊題補上思州知州十一月初六日卒於潯州如軍營病故例議卹贈知府銜

廣西昭忠錄

卷六

列傳

八



孟繼綜

孟繼綜河南固始人知興安縣事巡撫劉長佑調赴軍中司理文案咸豐十年復柳城融縣進克潯州升同知加知府銜同治三年總統楚軍劉坤一克貴縣平天寨擒賊首黃鼎鳳以功升知府加道銜五年春官軍進剿永淳賊孫仁廣冬繼綜率偏師出木格以疾卒於軍議卹如例



何書修

王有元謝樹禮

鄭宗喜嚴道時

湯玉貴覃乃輔

唐廷用胡益智

歐先龍黃必起

何元祥劉承恩附

何書修湖南人以軍功升守備同治五年官軍進剿

永淳孫仁廣書修與守備王有元鄭宗喜湯玉貴唐

廷用謝樹禮嚴道時都司覃乃輔參將胡益志千總

歐先龍何元祥龐月榮黃成廉黃必超劉承恩等皆

先後陣亡議卹書修如遊擊有元如參將從優也餘

視其官有差

廣西昭忠錄

卷六

列傳

十



洪光岳

洪光岳字小禹宛平人由監生報捐未入流分發江西補靖安縣典史以防剿<sub>宜</sub>武賊功擢州吏目加六品銜丁憂回籍同治元年四月報捐知州分發廣西三年正月署柳城縣事補授象州知州剿辦各鄉土賊著能聲五年十月十八日卒於任所加贈知府銜



李正植

李正植字培之湖南新寧人隨統領楚軍劉長佑援  
剿江西咸豐七年克復臨江八年賊由浙閩竄江西  
正植防守新城七戰皆捷九年偕楚軍赴援永州收  
復東安解寶慶新寧武岡之圍旋隨長佑至廣西克  
復柳潯二府累功洊升副將同治元年貴縣賊黃鼎  
鳳踞潯州城西嶺頭堡七月正植率衆先登諸軍繼  
之遂平其壘三年春因病回楚四年夏復隨軍永淳  
五年春官軍平那壇進攻山澤正植率所部由東路  
進收復脅從者十餘村聯步爲營直逼賊壘山澤之  
廣西昭忠錄卷六 列傳 三  
東里許有叢山賊隘也築壘數層潛伏精悍守之正  
植欲據其險以進諸軍督軍進攻斬賊數十級乘勝  
逐北賊伏盡起礮中胸穿脇出遂死五月十二日也  
錄功議卹如例



曾行恭

曾行恭字恪士宛平人原籍江西由監生捐從九品分發廣西歷署永福縣典史全州吏目擢府經歷遷州同以防守省城功賞戴藍翎免補州同以知縣補用同治五年補授上林縣知縣六年十月調署武緣縣事七年六月勦賊於林墟中礮創甚七月十二日卒



黃國漢

黃國漢廣東靈山人咸豐元年在廣西應募充歸順  
勇隨剿博白沙河信宜等處二年十月從軍湖南追  
洪秀全轉戰武昌六年二月調赴六合解金壇之圍  
九年管帶幹勝勇退守鎮江累功補授福建邵武營  
都司仍留鎮江同治二年升補福建陸路提標前營  
遊擊五年四月圍攻丹陽因傷發病請回籍六年隨  
提督馮子材出師太平充常勝右營後哨哨長七年  
正月駐防下凍土州三月調赴養利州剿平土賊穰  
茗趙華丹八月移剿下凍倫村積勞病作八年正月  
廣西昭忠錄

卷六

列傳

古

初十日卒於龍州軍中照軍營立功後病故例議卹



李品榮

李品榮柳州馬平人咸豐八年十一月由提標左營馬兵隨剿柳城賊擢外委九年七月石達開犯省城品榮隸參將楊廷桂麾下防守文昌門十年冬賞六品頂戴同治二年補中營外委四年擢中營把總七年五月調赴提督軍營八月隨副將吳天興攻克骨村那仰繼克太平州街及逐卜那賴等村十月進規憑祥品榮乘夜督所部摩克巴登山寨遂復憑祥八年二月官軍攻板錫坤貫進取九葑品榮適病力疾奔走復感酷暑六月十九日卒於龍州軍中照軍營

廣西昭忠錄

卷六

列傳

十五

病故例議卹



鄭魚

謝福昌附

鄭魚廣東饒平人初隸湖北黃岡營兵咸豐四年從軍江南隨大軍攻金陵上坊橋克復丹陽花園崗等處以軍功累官遊擊同治三年補授廣西左江鎮標中軍遊擊旋擢參將加副將銜江南軍務已綏定四年三月到左江遊擊本任八年歸順賊吳亞終敗竄越南境攻陷木馬踞之魚隨提督馮子材出師太平三月克復九葑進規木馬副將吳天興進軍板錫魚分屯保林爲援十五日至那錦山遇賊突出酣戰一時中礮洞胸死四月初四日守備謝福昌陣亡於板

廣西昭忠錄

卷六

列傳

其

錫與魚同請卹如例



羅永邦

羅永邦廣西宣化人隸左江鎮標右營步兵以從軍  
剿賊功補授新太協左營把總協防左州汎同治七  
年正月調赴龍州軍營大軍進規木馬出金甲河隍  
至高平積勞病發嘔血卒



張球

張球廣東南海人初充勇日以軍功賞給六品頂戴同治四年九月從軍西江充火箭隊長隨攻山澤七年三月由廣東管解軍火赴龍州九月隨副將吳天興攻勦太平賊以火箭焚其巢遂克逐卜十月那慣那辱把摸等村賊驅象隊撲下凍官軍營壘球發火箭突出其前象反奔官軍乘之大捷繼隨參將唐元芳克憑祥州十二月隨總兵謝繼貴勦那排以次攻克安德凌林三角塘大嶺通攜諸賊巢皆火箭之功爲多八年四月由安賴進攻牧馬縱火焚新街球從廣西昭忠錄

卷六

列傳

六

煙焰中登柵背傷而墮復感酷暑背瘡潰爛而卒照例請卹



關松志

江國棟

關松志廣東合浦人咸豐元年由高州鎮標常勝勇從軍楚粵江皖積功累官提督銜記名總兵加執勇巴圖魯勇號同治八年廣西提督馮子材自信宜移軍太平勦賊首吳亞終以松志統管得字右營兵勇七月會同總兵謝繼貴副將劉玉成擊賊於越南太原省之河洲峩眉等社解富平之圍進攻琿琿得賢利舍骨骸各村平雄山太慈賊壘逐北至那宥是年冬降賊梁添錫黃崇英叛踞安邊河陽松志與諸軍廣西昭忠錄

卷六

列傳

九

分道併進九年三月初八日病卒於軍照提督陣亡例議卹

江國棟廣東石城人報捐從九從軍太平府同治九年三月奉差至越南宣光病卒如軍營例議卹



鄺福源

鄺福源廣東欽州人咸豐八年充江南常勝勇隨軍攻克秣陵關賞給六品頂戴同治四年調赴廣東信羅軍營以外委拔補賞戴藍翎七年隨提督馮子材出師太平以福源善製炸炮專司火器事凌滄九葑牧馬左洲之役皆以炸炮平燬賊壘九年三月隨營安邊河陽瘴癘大作病卒軍中照例議卹



黃仕斌

黃仕斌廣東欽州人咸豐十年應募充江南決勝營  
勇目鎮江解圍拔外委賞戴六品藍翎四年三月隨  
軍廣東信宜以偵賊功換五品頂戴嘉益肅清拔補  
把總六年隨剿貴州苗克翁昂進攻荔波城及扯竹  
水坑等處斬偽苗王姚老敖等數十人值慶遠土賊  
之亂大軍回剿仕斌分赴東蘭州九月隨營左江充  
常勝軍左哨長隨大軍克復九葑高平牧馬山西河  
陽等處歷年積勞未及敘功九年七月以疾歿於河  
南省軍中請卹如例



謝效莊

謝效莊字達泉江西信豐人官廣東知縣咸豐四年六月陳開起佛山各郡邑土賊應之號數十萬衆官軍進討以效莊統帶南順義勇千人攻破石橋頭謝邊瓜步諸要壘十一月克復佛山當事者嘉其功委署佛山同知事賊自佛山潰散遂擁衆西上攻梧州不克六年七月圍潯州總督葉鳴琛奏遣效莊統南順潮普陸勇千人西援八月十一日至江兒口會按察使張敬修統水軍來援與賊遇賊乘順風衝擊水軍大敗效莊督師助戰沿岸用擡礮火箭橫擊賊船廣西昭忠錄

卷六

列傳

三

始卻十二日進駐新羅塘襲奪賊船賊溺死無算賊始戒備陸勇不敢下駛十七日賊陷潯州效莊退駐平南與平南令李載文議多築土台於河干以備賊九月初六日賊乘水漲駕船疾下效莊迎戰逾時擊沈賊船十餘艘賊敗退十月十四日賊悉銳來攻以礮船環岸轟擊並分黨登岸奪土台效莊督勇殊死戰賊大敗效莊用手指揮追擊礮中左掌暈絕仆地賊退泊三角嘴效莊卧病屬縣丞羅熊光總攝其軍熊光扼北岸礮臺與賊連戰數日斃賊甚多賊始退去時效莊創甚以舟載回廣東就醫行次蒙江創潰



卒載文聞訃哭之慟曰喪吾膽矣平南軍民思效莊  
保衛功皆感泣當賊東潰西陷潯州勢同燎原當事  
者止畀效莊千人趣之西援至潯適城陷糧復不繼  
效莊跋壹一旅竟能殺賊扼守平南截賊東驚卒之  
中創而死其功不竟論者惜之事聞議卹世襲雲騎  
尉



黃守良 許玉元 李末道 周勝新 鄭國有

黃守良湖南新寧人官守備隨總統楚軍劉坤一至

廣西同治四年春移師永安瀘剿山澤孫仁廣九月十

二日逼攻賊巢守良謀先奪其隘柵前礮臺可俯瞰

賊寨因與千總許玉元把總李末道周勝新鄭國有

韋永祥黃際會鼓噪先登賊窘蹙盡舉火藥擲於外

末道先焚死守良與玉元等被傷先後卒於軍舉體

焦爛無完膚



唐顯烈

唐顯烈字仲甫湖南新化人父梅道光十一年與兄棟同舉於鄉母劉氏均早卒顯烈時年十五刻苦力學兼明醫理性尤慷慨尙氣節咸豐初洪逆陷金陵東南數省糜爛顯烈慨然有從戎志六年投效楚軍謁劉長佑於袁州府居幕下久之人弗之奇也賊據臨江官軍逼城而營爲長濠以困賊石逆達開由撫建來援衆號二十萬人情詢然顯烈從容指畫劉長佑奇之留顯烈守濠而自督軍擊援賊城中賊偵知府濠兵單悉銳出城逼濠挑戰顯烈往來濠上激勵

廣西昭忠錄

卷六

列傳

三

士卒抵禦良久劉長佑聞報分隊回營顯烈卽率衆越濠直前迎擊多所擒斬賊仍敗退入城臨江克復劉長佑益奇其能自是常帶勇隨剿八年以克復撫州建昌功洊保同知直隸州九年春石逆竄湖南從大軍解永州武岡新寧各城圍進援寶慶營於東城之葉家亭六月二十六日我軍分三路進擊顯烈率衆陷陣賊敗走以右路兵遇伏稍卻顯烈馳往接應另股賊從山坳繞出刀矛交下遂墮馬得救歸營已不能語但瞠目直視搖手令人弗近蓋刃洞胸腹恐解其縛則氣易洩也是役也身被十餘創血流數斗



死而復甦者再秋七月圍解奉

旨以知府選用石逆由東安全州竄粵圍攻省城顯烈復扶病隨劉長佑進援九月圍解冬十一月追賊至柳州顯烈與李明惠翟國彥等逼城築壘鎗礮雨下顯烈等攻益力歲暮不少懈遂以明年正月克復柳州奉

旨以知府留於廣西補用並加道銜劉長佑旋撫粵西以劉坤一接統楚軍顯烈與席寶田督辦營務潯州艇賊兩次上竄圖攻柳州均經會督大軍擊退十一年六月隨統領劉坤一追賊東下進規潯郡甫至象廣西昭忠錄

卷六

列傳

三

州創發二十六日卒於運江營次奉

旨照道員在營病故例卹贈太僕寺卿銜蔭一子以州判註冊候銓



方錫恩

方錫恩江蘇上元人道光癸卯舉於鄉庚戌考取宗室學漢教習以知縣藍翎同知銜選授宜山縣知縣咸豐七年五月土賊楊西安陷平樂知縣華元超罵賊死錫恩適至省奉檄委署平樂縣事攜一僕履任駐三樂團激勵團練籌捐軍儲親率丁壯擊賊值天災流行瘟蝗並作錫恩竭誠撰文禱告天地並致祭劉猛將軍之神願奪祿算以全民命自是民病果蘇蝗亦不爲災焉八月赴大拔四冲徭糾集團練積勞得病十月初一日卒於羅口村子策在本籍忠義局

廣西昭忠錄

卷六

列傳

三

呈報兩江總督彙奏請卹加贈知府銜廕一子入監讀書



蘇海

蘇海字鐵珊廣東番禺人以武生入營爲兵道光中領水師防禦暎夷擢把總加六品頂戴以勦流賊功賞戴藍翎咸豐四年廣東紅頭賊起踞佛山順德肇慶英德郡邑以次淪陷海以舟師隨勦著戰功事平補平海營守備賞換花翎七年六月陳開圍梧州海奉檄率水師赴援以賊據上游西漲方湍急兵逆流上攻不利請緩師期俟漲平啟行當道不聽以軍令趨之海辭母而行集舟師痛飲誓以死戰至德慶遇賊駛下海麾師逆戰鎗礮疊施相持逾時賊乘疾漲洶湧倏忽迅下首尾夾擊官軍遂潰軍士皆赴水逃亡惟海屹立船頭格鬪乃被擄至容墟罵賊不屈遇害議卹加贈都司銜予祭葬入祀死事地方及本籍昭忠祠世襲雲騎尉



黃輔鼎 彭玉山附

黃輔鼎湖南新寧人咸豐元年隨湖北巡撫江忠源轉戰楚粵江皖屢有功四年湖南巡撫駱秉章飭帶楚寶營防勦道州黃沙河等隘時粵賊紛擾楚地咸爲擊散湖南邊境得安堵以功荐升游擊六年管帶赫字營勇隨統領楚軍江忠濬援勦廣西七年九月楚粵官軍會克平樂輔鼎並游擊彭玉山奮勇先登中礮陣亡事聞皆照副將例議卹予諡勇壯世襲雲騎尉



劉汝棠

高士廉

劉汝棠字心泉江西萬年縣人由從九捐升布經歷於克復容縣案內出力保加知州銜並賞戴藍翎同治四年署永福鹿寨縣丞有政聲六年夏代理武宣縣事因地方過形凋敝城中絕少居民捐資蓋造房屋爲民棲息之所抵任後卽親赴東鄉三里斷結土來各案迭獲著名渠魁是年十二月二十八日攻剿百敢村逆匪黃進三黃進四等冒險深入中礮陣亡奏請從優議卹奉

廣西昭忠錄

卷六

列傳

三

上諭追贈道銜並世襲雲騎尉

高士廉江西廬陵人以縣丞分發廣西試用同治六年委署慶遠府經歷十月苗賊犯府城士廉自募勇丁出城擊賊於西門外戰亡奏請

賜卹